

重修兩淮鹽法志

兩淮鹽法志卷九十二

督銷門

南北加引

下

皖岸加引

光緒八年三月商人伊厚堃等稟商等向在滬漢等處茶絲爲業近年屢受虧折素知兩淮引票得利雖微可垂久遠無如老商把持買票無門今幸憲節蒞臨首重鹺綱凡願報效增引者無不批准商等竊見憲轅牌示福生恆吉祥裕等商認辦皖引復稟已蒙批飭再減著繳每引報效銀二十兩該商等仍復嘵嘵請減並未呈繳

銀兩實屬有辜德意查皖岸南北分運懸額四萬二千八百五十八引每引已奉批繳報效銀二十兩計銀八十五萬七千一百六十兩今福生祥等既二三其說意存觀望商等情願認辦此項皖岸懸引四萬二千八百五十八引如蒙批准遵卽先繳見銀三十五萬七千一百六十兩請飭淮運司彈收給票編入見運南北春秋兩綱永遠循環領運其餘五十萬兩援照鄂商之例分限繳銀將來請咨環運例繳報效每引湘平銀一兩九錢載在刊章自當照納伏乞批示祇遵經鹽政左宗棠批皖岸懸額四萬二千八百五十八引前據福生恆吉

祥裕等具稟請領飭令每引繳報效銀三十兩嗣據求減復經減作二十兩而該商等復稟仍止允繳十二兩當經批駁在案茲據該商等稟稱遵批每引繳報效銀二十兩擬先繳見銀三十五萬七千一百六十兩其餘五十萬兩限年內陸續繳清應准照辦除行淮運司外仰併出具認運切結保結由司呈齎備案

光緒八年三月商人伊厚堃等稟前稟准遵繳報效認運皖岸懸額惟商等向業絲茶未諳鹽務因閱憲轅牌示賀全福等請認楚引如果獲利不及二分票價仍准酌減儻獲在二分以上自應酌加竊思鹽利可臻二分較

絲茶漲落無憑判然霄壤是以踴躍報效不遑他計茲  
逐細討求實在如斯辦理獲利祇在一分以內不勝惶  
懼伏思報效銀兩係核定章程不容再減惟求於無可  
如何之中作變通挹注之計茲備就庫平票銀十萬兩  
先行繳呈其餘銀二十五萬兩儘四月內分批掃數清  
繳不敢稍有遲誤緣值新絲開市之際各債已放一時  
收莊不及是以爲期稍遲復懇賞准驗收俟先繳報效  
完清叩飭運司轉飭淮南總局歸入見運綱內先行發  
給起運護照辦運一次之後如果獲利二分續繳報效  
五十萬兩卽當照繳儻獲利不及二分仍求酌量核減

至尋常應繳每引報效湘平銀一兩九錢應請俟售鹽後請咨環運時再行於鹽價內遵章扣繳經鹽政左宗棠批繳銀之後由淮運司發給引票以二百票歸入北鹽以一百五十七票十八引歸入南鹽以便分銷見辦官運獲利厚薄屆時自有權衡毋庸預爲瑣瀆也

謹按是年四月伊厚塋等復稟前情經左宗棠批如獲利在二分以上尙應酌加如獲利不及二分屆時核減至每引向章應繳報效銀一兩九錢准俟循環轉運時再行照繳

光緒八年五月商人伊厚塋等稟從前皖岸額行七萬二

千引謂之中路運銷較速故可年清年額划本計利均以十二箇月爲期今增復四萬二千餘引轉輸必須年半有餘如照楚岸賀全福等每引定繳報效十兩按月計利亦不過一分有奇各岸添引利息甚好者平江其次淮北其次湘鄂皖岸實居其末今以極次之引定繳極重之報效雖奉有將來與楚岸比較一體准給二分以示緣報效銀數未定商情猶有疑懼乞准將報效一項仿照賀全福等之例每引核減十兩仍以按月二分餘利爲率儻在二分以外自當酌加經鹽政左宗棠批定票價本與楚岸票本較重此次暫准減作每引十六

兩將來辦運一次之後俟將成本售價核算如果獲利二分以上仍應酌加如不及二分仍應酌減

謹按伊厚塋等嗣於六月續稟求准作每引十兩經鹽政左宗棠批駁

光緒八年八月商人伊厚塋等稟本年絲茶減折一時收莊不及銀路艱滯是以爲期稍遲茲商等已將奉飭先繳報效三十五萬七千一百六十兩埽數在藩庫清繳應沐恩施賞准給發庫收三百五十七張以便持赴運司衙門飭行淮南總局換領買鹽照單歸入見行綱分內先行辦運一次俾得趕將成本售價據實開呈聽候



核定報效實數再行歸入皖岸南北春秋兩綱與各舊商一律給咨永遠循環轉運至北鹽二百票仍懇飭令督銷局先行派定口岸移行運司總局查照暨飭海分司照章備捆北鹽運棧應售以利速運而免延誤經鹽政左宗棠批該商等應繳報效銀三十五萬七千一百六十兩既據全數繳清准發庫收三百五十七張先行給運一次俟票費核定再准循環候札准運司儀棧皖岸督銷局歸入見開綱內分別南北發給買單領運

光緒八年十月商人伊厚堃等稟前奉發庫收三百五十七張飭准赴揚呈報候換買單辦運迄今仍未奉發見

讀邸鈔大部議以皖岸奉定票費每引十六兩比較舊商票價是否不致懸殊礙難懸擬如果票價相等新舊無慮偏枯自可照議辦理仍須繳足全費方准領運行銷與楚岸一律等因查皖岸舊商以前皆無本獲票自同治五年起至光緒六年報效票本止七次捐輸統算止每票攤銀四百餘兩迭次報效公家之數尙不及新商躉繳見銀之一半若謂外閒所稱楚票一萬數千兩皖票三千餘兩者乃彼時把持不增新引之計舊商握票居奇係買賣自得之價並非上濟公家惟商等初由急公報效而來並不敢與舊商爭計票價之偏枯擬遵

照部議先將已繳庫平銀三十五萬七千一百六十兩  
按每引票費十六兩核計應認皖引二萬二千三百二  
十二引合一百八十六票二引先行循環起運仍照前  
批歸入見行綱分與舊商一體輪銷一俟地方元氣漸  
復岸銷日暢下餘二萬五百三十六引仍歸商等隨時  
集資呈繳續行請領以補懸額而符原案經鹽政左宗  
棠批此案見經酌定皖鹽每引仿照鄂湘收票費銀二  
十兩就已繳之銀按全數給予循環比舊商原價每票  
約售三千兩以上已屬減輕各票應如何歸併卽遵赴  
運司衙門呈請核示

光緒八年十一月戶部議覆據御史李暎片稱臣前奏請  
撤銷皖岸新加引票議令左宗棠體察情形辦理嗣左  
宗棠奏稱伊厚塋等八商請增復皖岸四萬二千八百  
五十八引繳銀三十五萬七千一百六十兩是勢難概  
行撤銷臣聞皖岸歲銷七萬二千引歷年銷數並未及  
額遽增四萬二千餘引之多輪銷太滯新舊俱疲部議  
云過驟之虞誠恐不免且舊商票價每票向值四千餘  
金此次批定每引銀三十兩每票一百二十引計合銀  
三千六百兩與舊商票價尙不懸殊旋據商呈准予遞  
減其蒙蔽顯而共見臣謂皖岸情形與楚岸同卽勉強

增引伊厚莖等所繳三十五萬餘兩應按原批票費綜計准新加一萬二千引如新商果嫌利微仍勒令舊商認領各等語臣等查前議覆左宗棠收繳票銀摺內以皖岸請增四萬餘引是否不致滯銷每引收費較舊商票價是否不致懸殊行令體察情形如果銷數暢旺加引不嫌過驟票價相等新舊無慮偏枯自可照議辦理惟仍須繳足全費與楚岸一律方准領運行銷其伊厚莖等所繳銀兩應按全費核計引數准各商承運與舊商一體輪銷儻新商不願亦令舊商認費領運等因行知遵照在案乃日久迄未聲覆茲李暎片稱前因與臣

等意見相合應仍令左宗棠迅飭運司諭令伊厚塋等  
援照四千兩定章補足票費先准加一萬二千引俾免  
輪銷遲滯如新商果嫌利微並令舊商認領均勻配運  
以符前議此後運銷果暢或再次第請加總應查照四  
千兩收費向章核辦俾票費皆成一律並將淮南北及  
皖岸所收票費數目俟提撥應用時詳細報部查核仍  
將新加之票自光緒九年起查照淮南按上下半年奏  
報向章另案先行開單奏報及將新舊各商課釐收支  
各款亦自九年起分款造冊報銷以憑核題毋任輻輳  
牽混奉

旨依議欽此

光緒八年十一月商人伊厚堃等稟竊奉鈞批著商等歸併各票等因自應遵辦惟商等不遠千里挾資數十萬開整鹺綱投繳認引際此水災酌減格於時勢使然但商等求救耗虧別無良策擬請侯中堂恩憐格外先給一百七十九票趁見綱起運稍冀補苴商等願再補納報效銀七萬二千四百四十兩請飭督銷局俟運鹽到岸於售價內按每票扣銀四百兩計扣銀七萬一千六百兩除扣應找見銀八百四十兩茲先易票繳呈合之前繳之三十五萬七千一百六十兩共成四十二萬九

千六百兩按見定每引二十兩統符一百七十九票之費是目前商力得以稍紓而正款確有把握總求恩出自上多增一票之引商等卽多補一票之虧比諸原認全額四萬餘引減歸一半較因災酌減之一百四十八票遵章繳費不過稍增三十一票與岸銷尙無窒礙而商等各票歸併引數成蹙不致爲難此商等情不得已爲變通救虧之策也經鹽政左宗棠批准

光緒九年二月運司孫翼謀等詳據淮南總局稟伏查皖岸票費向係該商等自行頂售價值隨時長落並無定章見奉部議令再照四千兩補足非特新商無力承運



卽舊商亦難茹苦認領勢必日久羈延新舊並困卑職等公同商酌似不如查照前次部議就伊厚塋等八商已繳銀三十五萬七千一百六十兩按全費核計引數仍遵督鹽憲前飭仿照鄂湘每引收銀二十兩給運一萬七千八百五十八引除零合一百四十八票以一百票運北鹽四十八票運南鹽與舊商一律循運所有奉准續加之三十一票查該商等尙未繳納報效見銀擬請暫行撤銷此後運銷果暢或再次第請加以符部議至該商等所稟措資領引以來繳銀日久片引未運月息虧耗尙屬實情所請俟鹽運到岸售竣後請領下綱

環咨時遵繳尋常報效每引一兩九錢初運一次仰邀恤免等情似應俯如所請以恤商艱本司道查皖岸請增新引部議本以體察岸銷商情爲主如果銷數暢旺加引不嫌過驟票價相等新舊無慮偏枯自可照議辦理茲又奉部令援四千兩定章補足票費無論新商力難承運卽舊商亦有本重利薄之嫌且票價因時高下並無一定數目該局員等所稟尙係實情擬遵前次憲飭就已繳之三十五萬七千一百六十兩按數除零給發一百四十八票以一百票運北鹽四十八票運南鹽與舊商一律環運似此輪銷較易新舊商均無滯礙每

引仿照鄂湘收銀二十兩核與部文內繳足全費與楚岸一律方准領運行銷亦尙相符其續加之三十一票既未繳納報效見銀應卽准如所議暫行撤銷經左宗棠批如詳辦理

光緒九年二月商人伊厚堃等稟商等認引經年坐耗虧折補救之方舍邀免初次報效別無良策查報效一款從前因無票費名目凡招徠新商均飭每引繳銀一兩九錢名爲報效實與票費無異此次認引首繳巨款加至十倍且請引經年虛糜甚鉅上年奉准加運三百五十七票費定每引十六兩之時曾奉批准初次免繳見

在已減爲一百四十八票票費又增至每引二十兩若  
再遵繳尋常報效赴岸請咨非但商力竭蹶恐亦展轉  
需時今公同議擬就一百四十八票分別歸併懇按票  
頒給循環印照先行憑照給運俟到岸售鹽後請領下  
綱環咨時再行照繳尋常報效一兩九錢所有初次報  
效銀兩仰邀恤免俾得稍資津貼實爲恩便經鹽政左  
宗棠批尋常報效銀兩准俟辦運一次後在岸照數補  
繳

光緒九年三月鹽政左宗棠片奏再皖岸引票先經臣奏  
明增復四萬二千八百五十八引每引收費銀十六兩

接准部咨如果加引不嫌過驟票價無慮偏枯自可照  
議辦理旋又續准部咨議覆御史李映片奏令新商伊  
厚塋等援照四千兩定章補足票費各節等因當經分  
飭運司孫翼謀前署運司見署淮揚海道徐文達妥議  
去後茲據該司道等會詳皖岸票價向係由商因時值  
高下呈繳並無一定數目若令援照四千兩補足無論  
新商力難承運卽舊商亦有本重利薄之嫌詳加體察  
擬就已繳之三十五萬七千一百六十兩按數除零給  
發一百四十八票准其循環轉運每引仿照鄂湘收票  
費銀二十兩庶與部文繳足全費與楚岸一律方准領

運行銷等語。詔合詳請覆奏。前來臣查增引一事。本以  
察酌岸銷商情爲主。前次請復四萬二千餘引。一因銷  
路尙屬暢旺。一因新商聞風踊躍。是以將舊額全數規  
復。自去歲夏閒。皖省蛟水爲災。銷路較滯。商情因之觀  
望。與春閒加引時情形不同。自應將所增引數量予酌  
減。斯新引獲轉輸之益。舊引無占礙之虞。此次該運司  
等請給循環一百四十八票。計祇給運一萬七千七百  
六十引。照原奏不及一半之數。而票費前定每引十六  
兩。今仿照鄂湘收繳。每引計增四兩。核與部議尙屬相  
符。質諸眾商。均無異說。除批令挨次起運外。所有皖岸

減引增費緣由理合附片具陳

光緒九年八月運司孫翼謀詳據商人伊厚堃等稟稱皖岸新引初次尋常報效前請免補繳已經奉批曷敢再瀆惟案懸載餘成本虧折尋常報效係外徵雜項上年票費定每引十六兩之時曾奉准初次免繳今引既減而費更加自可邀恩格外且今日票費卽舊商從前之報效舊商報效每票祇徵二百二十八兩商等票費每票共繳二千四百兩以新衡舊十倍有餘況鄂湘新商賀全福虧累之後仰奉一免再免商今同一辦運同一虧本且已繳報效票費每引二十兩爲數已鉅求准轉

詳督鹽憲查明初次批示仍准免繳尋常報效俟環運  
下次時再行遵章辦理等情查此項尋常報效每引一  
兩九錢前因先行給運一次奉准俟循環轉運時再行  
照繳續後引數釐定歸納一律循環奉批尋常報效應  
照章赴岸呈繳領咨起運嗣因體念商艱詳請暫緩俟  
辦運一次後在岸照數補繳此後仍照章在岸呈繳領  
咨起運奉批照准在案該商等一再稟求初次報效請  
邀全免均經照案明陞批飭惟該商等前引運竣請咨  
續運兩次報效同時並繳爲數不免較多經鹽政左宗  
棠批此項報效前令俟辦運一次後照數補繳已屬體



恤且皖岸新票自歸併後引價騰貴非從前舊商初辦時票未值錢可比況到岸之鹽准予提輪已有利獲而鹽務外徵雜項用款日增非常支絀按引徵收眾商一律不能因初次例繳之款准予免收嗣於九月復稟新引已繳票費巨款准將尋常報效改爲運後呈繳俾商等得以繳上綱之報效請下綱之環咨不致兩次同時並繳十一月經運司議請分兩三次呈繳經鹽政批皖岸新票初次應繳報效昨據督銷局詳報截至九月底止已收二十三票加以十冬兩月所收計復不少先售者已全數收清後售者辦理不能兩歧所請均分帶繳

應毋庸議

謹按曾國藩新章皖岸每年定行六百票每票一百二十引每引六百斤計鹽七萬二千引嗣左宗棠請加四萬二千五十八引經部議定僅准加一百四十八票計增引一萬七千三百六十道見行章程共七百四十八票爲引八萬九千七百六十道內南鹽定運五萬三千七百六十引北鹽定運三萬六千引

淮北加引

光緒八年正月商人厚德昌等稟竊查淮北舊額二十九萬餘引從前商執根窩壟斷營私遂至引滯課虧迨至

道光初年疲敝益甚每年祇銷官引數萬道光十年前  
憲陶文毅公釐奸剔弊革除根窩奏行票法招商領運  
初則將舊額二十九萬餘引運銷足數繼則漸次加額  
定爲四十六萬引由道光十三四年至咸豐初垂二十  
年每年運足銷足不但正課充盈且更協貼淮南銀三  
十六萬兩又帶銷淮南懸引納課銀三十一萬兩歲以  
爲常北鹺極一時之盛成效昭著允宜百世奉爲成法  
也迨咸豐三年淮北引地多被賊擾銷數漸滯同治初  
年南北肅清曾文正公整頓淮北章程先復舊額二十  
九萬餘引以圖漸次增足迨小邏堡隄工各票販報效

銀三十萬兩計合每引銀一兩遂請仿照淮南循環轉  
運由是各販據有引票一紙居爲奇貨但求引不加增  
則物稀價貴可以肆意把持今已擁利十數年之久近  
年戶部屢次奏奉

諭旨催復原額四十六萬引甚爲迫切迄未照行不知淮北  
近年銷市日暢上年竟銷至四十餘萬引已與定額相  
符徒爲有票之人提前請運利上加利積成壟斷之私  
萬一銷市轉滯則據有引票者並無責成但能十月內  
銷至二十九萬餘引便稱一綱奏銷足數世閒謀利之  
途殆無巧於此者況淮北岸鹽極旺每綱責令運足四

十六萬引尙恐溢產之鹽私銷未能盡絕豈可竟以二十九萬餘引爲額年復一年不求規復乎商等通盤籌計明知引額復原則票價必致大跌深爲眾忌但爲公家每年認足定額應復十六萬引統計每年釐課所增爲數甚鉅且額引認足各商責無旁貸每年須照四十六萬引辦理奏銷商等非敢冒昧稟請實緣略知淮北情形多運一引官額卽少留一引私鹽私靖官銷理無或爽上年旣能銷至四十餘萬引則從此復還定額整肅鹺綱日新月盛在此一舉恭值侯中堂總制兩江淮鹺利弊難逃洞鑒商等籌酌再三用敢環籲憲恩請將

淮北原額四十六萬引除前商認運二十九萬餘引其餘十六萬引統歸商等承認援照前商報效之案應繳報效銀十六萬兩俟奉鈞批卽於二月內立限如數呈繳請領引票歸入見運綱分與前商一律請運濟銷循環轉運樂利同沾似屬較爲公溥經鹽政左宗棠批准北舊額原係二十九萬餘引經陶文毅公增至四十六萬引兵燹以後祇復二十九萬六千九百八十二引尙有十六萬引未復茲據該商等稟稱援案報效銀十六萬兩請給淮北岸引十六萬引本應照准惟昨據商人賀全福等捐銀六十萬兩請給淮南湘鄂岸十五萬引

已經批飭與民間私相授受票價每票一萬五六千兩太覺懸殊因擬定票價凡請數萬引者每票庫平銀一萬二千兩數逾十萬引者每票庫平銀一萬兩約計每引合銀二十四兩二十兩不等淮北雖不能與淮南並論然該商等所請報效之數每引僅合銀一兩相形之下未免太少茲酌中核定淮北引票請領數萬引者每引庫平銀二兩五錢其數逾十萬引者每引庫平銀二兩該商等如願請領仰卽繳銀領引歸入見運綱分與前商一律循環轉運出具認運切結保結由運司衙門呈送備案並行淮運司知照

光緒八年二月商人厚德昌等稟查淮南北商利厚薄情形大相懸殊淮南八包成引售鹽扣課運楚行銷每百斤牌價三兩有零獲利甚厚淮北四包成引先課後鹽運至西壩出售水販每百斤定價一兩零數分獲利甚微統計鹽價正雜課銀及緝私經費各善舉捐項水腳駁力商夥辛工號費共需成本銀三兩六錢有零運壩售價每引合銀四兩四錢之內加以報效每引二兩歸入成本科算祇合利息一分零商等貿易營生近因中外通商絲茶各利專屬洋商遂至生計日蹙恭逢侯中堂主持鹺政與民樂利可否飭將報效銀兩量予稍減



俾商等得沾二分之息出自逾格鴻慈經鹽政左宗棠批該商等請領淮北票鹽十六萬引遵照每引繳銀二兩共繳庫平銀三十二萬兩繳清後由運司詳明核發引票與前商一律循環轉運至稱每引西壩銷售需成本銀三兩六錢加以每引報效銀二兩歸入成本科算祇合利息一分零懇將報效銀兩量予稍減俾沾二分利息等情查各岸運銷鹽斤商販利益優霑淮北獲利雖微而銷數漸暢由於鹽色鹽味之佳鹽價之減民情攸宜耳通計見加報效銀每引二兩歸併成本作算北商獲息尙不僅二分趁此時領運循環便成永利爲該

商計亦云幸矣前批所以定爲二兩一引者原因合鹽價通籌既可獲利二分有餘又可成永利也既准繳銀領票所稟前情毋庸再議該商等果能慎擇夥友加意經營而仍苦銷滯利微准據實稟陳飭卽轉諭該商等遵照

光緒八年三月鹽政左宗棠札運司據商人豫豐泰等稟請認淮北尾引照章繳銀除批該商等呈繳庫平銀六千零三十六兩請將淮北所餘三千零十八引認運足額核與厚德昌等每引報效之數相符自應照准該商等卽赴運司衙門剋日繳銀一律循環給運飭傳諭該

商等遵照

光緒八年四月鹽政左宗棠片奏再准北票鹽向以四百斤成引歲收課銀不及淮南三分之一道光年間商力積疲雖有認引之名終年無鹽到岸引滯課懸幾於不可收拾前督臣陶澍改行票法意美法良請運日旺漸增至四十六萬引商民稱便自捻逆竄擾而提鹽抵餉頭緒勞如同治三年曾國藩設法整理悉循陶澍之舊十數年來額課雖年清年款而餘額十六萬引迄未行銷疊經部臣飭令加認足額各前任拘於提辦奏銷深慮增引以後綱分不能提前未經遵辦但引地肅清已

於

環轉運近年淮北奏銷部文定限八箇月銷竣係專指

正引而言今既運足全額應限一年奏銷以復舊制臣  
卽督飭運司竭誠規畫漸收疏銷實效果否能副限期  
屆時自當據實奏明辦理戶部議覆查兩淮鹽務舊章  
各商呈驗貲本入庫後方准領引淮北向在板浦場設  
局驗貲每屆令票販先納銀三四百萬兩至八九百萬  
兩不等除收鹽價票稅餘銀仍給還道光二十七年丁  
未綱應納銀八十九萬四千餘兩外預納戊申一綱課  
銀卽令前綱之商接辦後綱迨咸豐三年軍興路阻北  
引滯銷同治三年曾國藩奏復行票鹽先運正額二十  
九萬餘引九年馬新貽奏以驗貲利少弊多請卽停止

就舊商花名准接運新綱先繳課銀一半十二年李宗  
義復奏明飭令各票販於辦運前將一年額課全數完  
納經臣部覆准行令每綱按八箇月提前趲辦厥後餘  
額十六萬引無商增領節經臣部奏咨催辦各在案今  
據奏稱新商販領足淮北十六萬引請歸己卯新綱改  
爲一年奏銷等情臣部查淮北章程向定先課後鹽歷  
年祇行二十九萬引餘引十六萬久未增銷同治十二  
年李宗義奏請循環轉運臣部議令以八箇月爲一限  
提前四箇月趕辦奏銷從己巳綱起速將綱分歸清漸  
完積欠俾早規復舊額今該督聲稱新商運足全額請

限一年奏銷是每限增四箇月卽令多銷鹽十六萬引較八箇月銷引二十九萬之數尙無軒輊惟所欠綱分宜如何提前勻配之處未據議及應令該督轉飭運司截清界限安定章程先行專案報部以憑稽核奉

旨依議欽此

光緒八年十一月戶部議奏查李暎原奏內稱淮北與淮南事同一律左宗棠奏稱商人厚德昌等請增復淮北十六萬三千十八引繳銀三十二萬六千三十六兩已檄發運司報部存案聞淮北向章百引爲一號每號票價值銀四百餘兩今厚德昌等所繳票費每票僅合銀

二百兩較舊商票價竟不及半且向日奏銷期限八箇月兩年計運三綱今展爲一年兩年僅運兩綱名爲增引實未增課臣以爲淮北引費應按舊商票價每號作銀四百兩就厚德昌等見繳三十二萬餘兩銀數計之僅可增八萬餘引其餘應令畫銷等語臣等查本年議復左宗棠收繳票費摺內淮南見在議加新票應以原定一萬兩爲准見已繳銀六十萬兩准加票六十張等因若如李暎所奏每票價銀向係四百餘兩今僅合銀二百兩票費收未及半竟請加至十六萬引辦理誠未畫一旦查向來限八箇月奏銷兩年可運三綱今則兩



年僅運兩綱較八箇月銷引之數殊覺遲延恐將來所欠綱分終無趲早之期且致新舊各商同歸壅滯應令左宗棠督飭運司諭令厚德昌等援照淮南定章每票補足銀二百兩方可加十六萬引之數並卽限定十箇月趕辦奏銷俾綱分及早規復如該商等無力猝籌補足應卽畫除引數暫勿增給俟數年後綱分與年分趲齊照章收足票費再復十六萬引額嗣於九年三月左宗棠奏復查厚德昌等三十二商稟請認復十六萬引每引繳銀二兩比據繳銀三十二萬兩准部議核准上年業已辦運一綱續准部議令該商照淮南定章每票

補足銀二百兩復經札行會議茲據運司孫翼謀前署  
運司徐文達詳稱淮北票價本無一定之章票價之漲  
落胥視商利之厚薄淮北淮南鹽價既相懸遠而淮北  
先課後鹽尤與淮南章程迥異票價每引二兩已較舊  
商捐數倍增若再令補繳票費商力實有未逮而畫除  
引數未免成本暗增仍請照前次部議核准之案免其  
加價扣引五月戶部議奏查淮南新加引票每引合銀  
二十兩淮北每引斤數雖較淮南減少然以北引四百  
斤南引六百斤合計亦應有南引三分之一臣部前令  
每引繳銀四兩已較淮南減輕數倍有餘如謂先課後

鹽章程迥異所收票費與應交課款亦因之不同不知淮南先鹽後課其應完課項亦從無蒂欠僅止先後之分何得藉詞推諉所有淮北票費請免加增一節殊欠允協左宗棠覆奏票費之高低胥視商利之厚薄北鹽十引僅足抵南鹽一引之利權商利以定票費則該販等繳費二兩核與淮南新章每引二十兩以十抵一適相脗合若再令補繳新販成本愈重似未便朝更夕改失信於商販嗣於十年四月戶部議奏查歷年銷案淮南每引行鹽六百斤徵正雜課銀約合七兩有零淮北每引行鹽四百斤徵正雜課銀一兩二錢一分五釐抽

收釐錢四千合計共銀三兩有零兩相比較是淮北鹽斤祇少三分之一課釐尙未及淮南之半成本輕則獲利厚理固顯然雖淮南北鹽價不同何至北鹽十引僅足抵南鹽一引之利該督所謂以十抵一適相脗合之語臣部實有未解至謂朝夕更改恐失商販之信一節查九年三月左宗棠奏明淮南皖商減引增費就已繳之三十五萬七千餘兩按數除零給發一百四十八票是於該督所定票費十六兩外曾照部議繳足全費加增四兩何以淮北獨不能加增究竟淮北近年每斤賣價若干其利與淮南因何懸殊每號票價能否再議加

增之處應令署督臣曾國荃體察辦理

光緒十年四月署鹽政曾國荃奏竊維治鹽之法莫重於  
籌運莫要於疏銷銷暢則引雖少而轉運亦靈銷滯則  
引愈多而商人之資本盡擱淮北鹽務前督臣曾國藩  
奏定新章每綱開辦正額二十九萬六千九百八十二  
引先鹽後課鹽則隨到隨售課則年清年款歷綱奏銷  
逐漸提早光緒五年前督臣沈葆楨覆奏淮北引額礙  
難驟增摺內謂精鹽政無過曾國藩引額減運三分之  
一課釐比較從前相埒額少商多定循環轉運章程他  
商不得躡入妄希增引漁利前督臣左宗棠履任之初

銷數暢旺據新商之稟奏加十六萬引無如銷路祇有此數鹽多則滯己卯綱舊無存積新尙易售運銷至十五箇月始副造報奏銷已屬勉強庚辰綱踵而行之更行壅滯雖奏報於光緒九年五月初一日開辦新綱而自五月起至九月止所銷盡是上綱舊鹽新鹽直至十月初開售查正陽關摺報截至本年二月上旬止己卯舊鹽尙未售竣計存八萬七千餘包更無論庚辰綱矣西壩摺報截至下旬止共存庚辰綱鹽一百十三萬四千餘包成本占攔臣道經清江據眾販聯名稟訴僉稱商本半由錢莊通挪近因銀源枯窘索取甚迫暗跌

爭售在所不免向來西壩運鹽至正陽出售全仗一年之中轉運二三次岸銷一滯守輪幾及一年至少亦須八九箇月以致來壩購鹽不能毫無賒欠若不急圖補救閭閻日見困窮場竈運戶數十萬人決裂恐在目前查往年四月閒鹽河水漲卽須捆運場鹽否則秋後水落節節起駁今各商販應運新鹽趕運則資本未能周轉緩運則後綱又恐誤期臣與運司熟商欲挽頽綱非疏積引不可欲疏積引非停新引不可擬自辛巳綱起責成舊販悉照曾國藩奏定舊章將正額開辦先鹽後課俾得騰出完課之資以充運腳之費庶幾不致誤運

其新加之十六萬引一概扣停俟綱分趨齊運銷已畢方可再議增引惟各新商於請增新引之時曾據呈繳票費庫平銀三十二萬六千三十六兩業已提充公用該新商辦過兩綱雖亦略沾微潤而引既扣除自不能不將票費籌還以免向隅應請在於金陵派得五成課釐項下分作三綱如數歸還則舊販得復前規新商亦有生路似尙兩得其平戶部議覆查淮北舊額按年應銷四十六萬六千餘引同治二年前督臣曾國藩請改票鹽奏明先運二十九萬餘引當議令無論商販先期呈驗資本方准給票運鹽九年前督臣馬新貽以商多



額少奏停驗資十一年十二年前督臣何璟李宗羲均請仍免驗資力主先課後鹽之議經臣部議准覆奏令卽帶銷積引並將奏銷提前趕辦其餘額之十六萬引迭次奏咨催辦增領光緒八年前督臣左宗棠奏增復十六萬引一律循環轉運並收票費三十二萬六千餘兩旋據御史李暎奏稱所收票費數未及半臣部議令每票應補足二百兩本年三月左宗棠覆奏票費未能加增又駁令該署督詳慎妥籌行知在案今該署督以陳鹽積壓請扣除新加十六萬引仍照額辦運改爲先鹽後課並將金陵應得五成課釐分綱歸還票本等情

具奏臣等查先課後鹽係多年奏明定章當停止驗資  
時曾據海州分司出有包完課銀不誤印結送部永遠  
存案若改爲先鹽後課不惟與奏定成案未符且每綱  
應徵課款安能確有把握臣等公同商酌該署督奏稱  
先鹽後課欲騰出完課之資以充運費所請礙難准行  
其扣除所增復十六萬引一節查淮北二十九萬引以  
前定限八箇月奏銷左宗棠因增引請改限一年究增  
引猶未增課今擬改歸舊額如果能確遵八箇月定限  
埽數奏銷則擬請如所奏從辛巳綱起暫勿增加俟運  
銷暢旺後再行增復若奏銷仍展以一年是引旣未增

而八箇月定限又復遽改於課款大有關係則此十六萬引仍應不准裁撤毋得藉嗣推諉方免玩誤情徵之弊至籌還票費三十二萬餘兩查此款已經收用將來引果裁撤票費何能擱置惟五成課釐分解金陵亦屬餉需要款儻率行挪用必致淮餉不敷籌辦亦未允協臣部並難議准如此時增引必須全撤其應如何還票本之處仍令該署督轉飭運司另籌他款奏明酌核辦理曾國荃又奏再准北奏銷前督臣左宗棠奏明加增引額仍歸一年造報已報至己卯綱止其庚辰綱鹽於光緒九年五月初一日開辦截至十年五月初二日卽

應循例造報查淮北存鹽兩年逐層積壓見計新舊積存幾及正額一綱之數相距奏限祇有一箇月卽令加緊疏銷斷不能於一月之中售竣百萬餘包之鹽牽扯套搭徒事彌縫年復一年更滋積重難返之慮查同治四年前督臣李鴻章任內因捻蹤竄擾奏請展緩奉旨允准有案合無仰懇

天恩俯念北鹽壅滯准將庚辰綱奏銷展緩三箇月俾臣設法疏通徐圖整理庶免日久停滯戶部議奏臣等伏查淮北先課後鹽定章按年行銷二十九萬餘引每綱限定八箇月趕辦奏銷該省或遇偏災雖聞有九箇月十

一  
二  
三  
簡月造報始行到部均經臣部議令提前趲辦自光緒八年左宗棠奏請增運全額改爲一年奏銷臣部迭議以奏銷展限是增引而課並未增其己卯綱奏銷於一年定限外又逾限將及三月業經臣部於上月奏催並請

旨將該運使查取職名交部議處行知遵照在案今該署督又以庚辰綱奏銷仍請展限三箇月附片具奏臣等查奏銷正款課項詎容久懸乃稱新舊積存之鹽竟有百萬餘包之多該運使分司平日所理何事其爲疏銷無術督催不力已可概見見在時屆五月已及左宗棠所

請一年之限若仍以銷滯爲詞再請展限三箇月未免  
有心宕延甘誤課帑臣等公同商酌所請應毋庸議相  
應請

旨飭令該署督嚴飭運使值此蒞任伊始迅速多方整頓設  
法疏銷完竣限定於五月內埽數造報毋許稍有遲逾  
致干參處

光緒十年五月鹽政曾國荃奏臣伏查淮北所增十六萬  
新引辦運兩綱銷疲引積新舊商販交受其困於課餉  
仍無裨補部臣謂增引猶未增課洵能洞見癥結惟臣  
前次所奏有與成案餉需尙須斟酌之處今再督飭運

司另議自當悉心妥籌折衷至當如部文內稱果能八箇月定限奏銷則擬請如所奏從辛巳綱起暫勿增引一節查奏銷之遲速全視售銷之暢滯治饒要訣專賴暢銷銷路一暢則全綱俱振而奏銷自能提前否則彌縫套搭流弊滋多淮北厯辦正額部章原定八箇月奏銷而追溯厯綱從未有於限內造報者大率九箇月十箇月居多今若定以一年固易啟惰徵之弊然仍定八箇月深恐屆限鹽未售竣承辦之員規避處分牽扯造報轉不足昭核實似宜定以十箇月爲准逾限則照例議處提前則奏請獎敘庶足以示勸懲新商繳呈鉅款

奏明有案既扣其引不能不還票費而又無他項可指  
臣前奏動金陵五成課釐原屬無可如何之計今據藩  
運兩司開呈前督臣左宗棠收支票費清冊內有借撥  
上海採運局已革道員胡光墉採辦軍火銀二十萬兩  
先後借撥長江電綫經費銀共五萬兩又先後交淮南  
場商局收場鹽共銀十一萬七千兩或已呈出田產等  
項作抵或定分年歸完尙屬有著之款擬卽在前項借  
出票費內陸續收回隨時發給新商具領銀數有盈無  
絀名實亦屬相符至商人辦運定例完一引課始准運  
一引鹽自兵燹後商力拮据遂有先鹽後課之案曾國



藩初次定章自己未綱起歷四綱至壬戌先收半課又  
歷七綱至己巳始收全課良以辦運首重輕本暫緩收  
課帑項不過稍稽時日而不短絲毫初不聞有誤課之  
虞己巳綱以後引額未增銷路仍暢各商連年獲利課  
銀自應照章先完今因增引而銷疲因銷疲而本擱陳  
鹽之壅積如彼銀路之艱窘如此非略加體恤無以籌  
運費而蘇商困懇將辛巳一綱仍照臣前奏先鹽後課  
俾得趕速捆運以後接開下綱察看販力能否稍舒或  
收半課或收全課總當量其力所能至不敢稍任諉延  
戶部覆奏臣等查同治年間前督臣奏請停止驗資諭

令票販完納全綱額課再行運鹽當議定每綱以八箇月爲限原於提早綱分之中寓帶銷積引之意爾時無新商之躡越亦無舊商之把持閒或偶遇偏災雖遲延至一兩月造報到部然奏明八箇月之限人共知爲無故不得遲逾今謂拘此定限必致彌縫套搭多滋流弊則是其疏銷無術督催不力之咎恐理鹺政者當亦無可諉卸惟該署督漕陳見在陳鹽積壓自係實情旣據折衷定以十箇月爲准並稱逾限照例議處提前奏請獎敘若必責以八箇月之限將來設有延誤轉致有所藉口臣等公同酌核擬請卽照所請定限從辛巳綱起

十箇月按限全完毋許帶欠如有遲逾卽由臣部將該  
運使指名奏參請

旨從嚴議處不稍寬貸果能提前趨辦亦應准其奏請獎敘  
以示勸懲至引票已撤票費自應籌還旣據該署督查  
明革道胡光墉有欠借採運軍火電綫經費等銀二十  
五萬兩又淮南場商局銀十一萬七千兩共銀三十六  
萬七千兩可以陸續收回發給新商具領爲數有盈無  
絀應請准如所奏辦理仍令確查票費以前實共收支  
若干見在尙存若干此項歸還各商外仍餘若干詳細  
開報臣部查核勿任轆轤牽混至請由辛巳綱起先鹽

後課藉籌運費而蘇商困一節查前督臣曾國藩初次  
定章四綱祇收半課歷七綱始收全課其時因金陵蹂  
躪商販裹足不前方爲此權宜之計以廣招徠今則人  
煙輻輳盡知行鹽爲利數商販爭趨且票販究與引商  
不同引商皆世守之業票販則去來自由豈可以從前  
稽時日而不誤課遂信爲確有把握設或偶有貽誤關  
繫匪輕若徒推諉於增引銷疲成本占擱先挪課項以  
爲運費不思所增之十六萬引係前督臣請復舊額並  
非額外加增今引旣未增定限復請展兩月如再改爲  
先鹽後課似專爲俯順舊商於徵課太形輕縱辦理終

附錄卷之二  
未允協該署督所請辛巳綱先鹽後課之處礙難准行  
仍應請

旨飭令該署督嚴飭運使將恤商裕課兩相兼顧勿任眾商  
之壟斷勿舉成法而迭更惟迅令其納課領運按輪售  
銷依限埽數奏報庶額綱可望漸有起色

謹按淮北票鹽盛時每年徵銀九十餘萬兩見行章  
程歲額二十九萬六千九百八十二引每引四百斤  
歲徵正課銀三十七萬一千五百二十四兩有奇而  
五河正陽兩卡約共收釐錢八九十萬緡不等以錢  
合銀約五六十萬兩暢銷時往往八箇月卽足一綱

兩年銷三年之鹽卽兩年收三年之課釐故不言加  
引而稅已暗增恤商裕課計無逾於此者矣

兩淮鹽法志卷九十二

兩淮鹽法志卷九十三

徵權門

科則上

綱鹽科則

國初准綱正課銀原祇九十餘萬兩加以織造銅筋等款亦祇一百八十餘萬兩每引僅徵銀一兩有餘迨後鹽規匣費節省等項多由陋規改爲額款於是淮綱正雜內外支款爲數甚鉅每引科則乃增至六七兩之多道光間課重商疲運銷全滯其弊皆由於此自南北改行票法裁無名之費減不急之徵然後科則始輕行之未久引地淪陷票法大壞寇平後鹽政曾國藩規復舊制



雖釐重於課而納課在辦運之先完釐在售鹽之後以釐之有餘補課之不足較之綱運時歲入之數有過之無不及而輕重緩急各得其宜固經久不敝之規矣今分綱鹽科則票鹽科則爲二卷使後世有考焉志科則舊綱科則

淮南淮北綱食鹽共一百六十八萬五千四百九十二引

一淮南綱鹽並衡州永州寶慶三府一百四萬二千三百九十引每引徵正課銀一兩一錢七分二釐七毫六忽五微六纖共徵銀一百二十二萬二千四百一十七

兩五錢九分一釐七絲八忽四微

一淮南鹽下綱鹽一萬四百三十一引每引徵正課銀  
一兩一錢七分二釐七毫六忽五微六纖共徵銀一萬  
二千二百三十二兩五錢二釐一毫二絲七忽三微六  
纖

一吉安府綱鹽五萬一千三百二引每引徵原額並加  
陞正課銀一兩一錢七分二釐七毫六忽五微六纖共  
徵銀六萬一百六十二兩一錢九分二釐九毫四絲一  
忽一微二纖

一吉安加丁綱鹽二百二引每引徵原額並加陞正課

銀一兩一錢七分二釐七毫六忽五微六纖共徵銀二百三十六兩八錢八分六釐七毫二絲五忽一微二纖  
謹按吉安引鹽康熙五年巡鹽御史黃敬璣題定招商認辦每引原徵銀八錢四分八釐九毫五忽續於乾隆二十八年鹽政高恆題准攤入淮南通綱運行照綱納課每引陞完銀三錢二分三釐八毫一忽五微六纖詳見商課

一增巴東縣綱鹽二千五百二十六引每引徵正課銀一兩一錢七分二釐七毫六忽五微六纖共徵銀二千九百六十二兩二錢五分六釐七毫七絲五微六纖

一增饒州府綱鹽三萬五千引每引徵正課銀一兩一錢七分二釐七毫六忽五微六纖共徵銀四萬一千四十四兩七錢二分九釐六毫

一增永順府永綏廳綱鹽三千二百七十一引每引徵正課銀八錢四分八釐九毫五忽共徵銀二千七百七十六兩七錢六分八釐二毫五絲五忽

一甯國府和州含山縣食鹽十一萬三千九百七十八引每引徵正課銀九錢八分一釐三毫五忽共徵銀十一萬一千八百四十七兩一錢八分一釐二毫九絲

一江都甘泉二縣食鹽二萬六千七百十引每引徵正

課銀八錢七分二釐九毫五忽共徵銀二萬三千三百十五兩一錢九分二釐五毫六絲

謹按乾隆五十八年鹽政巴甯阿奏准以五分融銷楚岸照綱納課每引陞完銀二錢九分九釐八毫一忽五微六纖共陞完正課銀四千三兩八錢四分九釐八毫三絲三忽八微共徵銀二萬七千三百十九兩一錢四分二釐三毫八絲三忽八微詳見融銷一上元江甯二縣食鹽五萬三千六百十二引每引徵正課銀一兩五分五釐八毫五忽共徵銀五萬六千六百三兩八錢一分七釐六毫六絲

一江浦六合溧水全椒句容高淳六縣食鹽四萬三千  
八十八引每引徵正課銀一兩四釐三毫五忽共徵銀  
四萬三千二百七十三兩四錢九分三釐八毫四絲

一增高郵寶應泰興三州縣食鹽六千引每引徵正課  
銀八錢三分四釐九毫八絲共徵銀五千九兩八錢八  
分

一淮北綱鹽二十二萬二十三引每引徵正課銀九錢  
六分五釐二絲五忽共徵銀二十一萬二千三百二十  
七兩六錢九分五釐五毫七絲五忽

一淮北加丁綱鹽一萬一百九引每引徵正課銀八錢

三分九釐三毫二絲五忽共徵銀八千四百八十四兩七錢三分六釐四毫二絲五忽

一淮北新增綱鹽四萬一百四十引每引徵正課銀九錢六分五釐二絲五忽共徵銀三萬八千七百三十六兩一錢三釐五毫

一淮北山陽清河桃源邳州宿遷睢甯贛榆沐陽八州縣食鹽二萬六千七百十引每引徵正課銀八錢四分三釐八毫二絲五忽共徵銀二萬二千五百三十八兩五錢六分五釐七毫五絲

謹按乾隆三十四年鹽政尤拔世奏准以五分融銷

綱地照綱納課每引升完銀一錢二分一釐二毫共  
升完正課銀一千六百十八兩六錢二分六釐歲共  
徵銀二萬四千一百五十七兩一錢九分一釐七毫  
五絲詳見融銷

以上額徵正課共銀八十六萬九千五百九十二  
兩一錢六分八釐九毫二絲一忽三微六纖

附入正項織造銅觔河餉滷稅科則

一淮南綱鹽並加丁巴東饒州吉安歸綱共一百八萬  
二千九百六十三引每引徵銀二錢四分三釐二毫八  
絲二忽七微九纖共徵銀二十六萬三千四百六十六



兩二錢六分一毫六忽七微七纖

一池州太平饒州五萬八千八百八十八引每引徵銀  
一錢九分四釐六毫二絲六忽二微三纖二沙共徵銀  
一萬一千四百六十一兩一錢四分九釐五毫五絲一  
纖六沙

一食鹽共二十一萬六百七十八引每引徵銀一錢四  
分五釐九毫六絲九忽六微七纖四沙共徵銀三萬七  
百五十二兩五錢九分八釐九毫七絲八忽九微七纖  
二沙

一淮北綱鹽二十七萬二百七十二引每引徵銀八分

一釐四毫共徵銀二萬二千兩一錢四分八毫

以上額徵附正銀共三十二萬七千六百八十兩一錢四分九釐四毫三絲五忽七微五纖八沙

通共額徵正課銀二百十九萬七千二百七十二兩三錢一分八釐三毫五絲七忽一微一纖八沙

奏銷考核正課

一淮南北正綱歲額九十四萬六千四百四十三兩六錢四分八釐六絲一忽

謹按

國朝淮鹽雖剖綱引實符舊額詳見商課順治九年壬辰

始定綱數淮南派行一百四萬二千三百九十引計  
課七十萬四千五十四兩四錢八分三釐二毫六絲  
三忽一微淮北派行二十二萬九千一百二十三引  
計課十五萬四千七百五十五兩一分四毫七絲四  
忽六微七纖又淮南上江八縣於順治十五年因商  
人張子謙赴部請加食窩原派綱引復帶課九萬三  
千七百八十兩四錢九分七釐五毫四絲六忽六微  
三纖計淮南引課共七十九萬七千八百三十四兩  
九錢八分八毫九忽七微三纖淮北於康熙二十六  
年陳州等六州縣改食蘆鹽減去課銀六千一百四

十六兩三錢五分一釐九毫三絲九忽計淮北引課  
十四萬八千六百八兩六錢六分七釐三毫五絲一  
忽二微七纖

一吉安引課原額課銀三萬四千六百五十四兩五錢  
一釐今額五萬一千三百三十一兩五錢七分六釐五  
毫四絲六忽二微四纖

謹按此自康熙五年巡鹽御史黃敬璣題定招商認  
辦續於乾隆二十八年鹽政高恆題准將吉安引目  
並加丁攤入淮南通綱運行照綱納課計升課銀一  
萬六千六百七十七兩七分五釐五毫四絲六忽二

微四纖詳見商課

一衡永寶三府代納兩粵引課歲額五萬五千一百八十六兩一錢五分六釐五毫六絲九忽一微四纖六塵二埃三渺四漠

一衡永寶三府代納粵西雜稅歲額一萬五千兩

謹按以上二款俱自康熙六年巡鹽御史甯爾講題定

一甯國和含淮揚加窩食鹽引課歲額十一萬三千六

十四兩五錢七釐八毫九絲九忽四微二纖

詳見商課

謹按順治九年部覆巡鹽御史王士驥疏及康熙元

年巡鹽御史鄭名疏定額課銀八萬七千八百八十三兩九錢五分後於康熙八年巡鹽御史郭丕增課二萬五千一百八十兩五錢五分零派定甯國和含七萬六千九百八十三兩三錢九分五釐七毫四絲七忽六微二纖江甘一萬八千四十兩五錢五分六釐七絲五忽九微淮北一萬八千四十兩五錢五分六釐七絲五忽九微

一上江八縣加窩食鹽引課歲額六萬五千三百三十三兩四錢三分二釐一毫四絲三忽

謹按此項原額徵銀五萬七百六十七兩五錢順治

十五年商人張子謙請行食鹽戶部題准加增八縣  
引窩後於康熙八年巡鹽御史郭丕題增課銀一萬  
四千五百四十五兩九錢三分二釐一毫四絲三忽  
一增引窩歲額十萬七千三百七十兩四錢四分五釐  
二毫七絲

謹按此項原額徵銀十萬八千六十七兩七錢二分  
六釐四毫順治十三年戶部尙書車客等題定十七  
年巡鹽御史李贊元請加課不行鹽課攤正綱帶徵  
通算每引增引價七分六釐六毫三絲康熙二十六  
年陳州改食蘆鹽又減去六百九十七兩二錢八分

一釐一毫一絲

一甯國和含上江八縣食鹽加課歲額二萬一千六十七兩八錢

謹按此自康熙十六年臺臣條奏巡鹽御史席珠題定計甯國和含加銀一萬一千三百九十七兩八錢上江八縣加銀九千六百七十兩

一甯餉滴珠歲額六萬二千二百五兩七錢三分八釐五毫二絲

謹按此自順治十年部劄頒行引目定爲歲額徵銀六萬二千六百九兩七錢一分三釐其納課之由徵



銀之法已見商課十七年巡鹽御史李贊元請加課  
不行鹽攤入正綱每引派加四分四釐四毫康熙二  
十六年陳州改食蘆鹽又減去四百三兩九錢七分  
四釐四毫八絲

一梔封歲額八千三百七兩八錢一分二釐

謹按此自順治八年始詳見商課其項在淮南綱食  
甯珠加窩引內每引徵銀六釐共額徵八千兩除正  
額外餘充解費康熙二十七年巡鹽御史陶式玉題  
增吉安梔封三百七兩八錢一分二釐

一更名食鹽變價

卽裕惠崇

歲額三千九百四十六兩六錢

二分五釐

謹按此自順治九年部覆巡鹽御史王士驥疏因更去裕惠崇名目照例徵課十七年巡鹽御史李贊元請裕惠派之甯和江都崇府派之山清八縣十八年贊元復將裕惠二項題改甯國和含加窩引內徵解每引議徵三分今甯國和含派銀三千二十五兩一錢三分江甘派八百一兩三錢淮北派一百二十兩一錢九分五釐

一潮包歲額二千七百兩

謹按此由明季引鹽出場用大包運至儀徵垣內解

捆改作小包而大包浸有滷汁售人煎燒歲徵銀一千三百兩至

國朝順治七年巡鹽御史王士驥以正鹽剖一爲二徵銀二千七百兩解部因以爲例十八年歸上江二縣商人徵納詳見商課

一儀徵食鹽折價

卽儀倉附帶

歲額徵銀五千兩

謹按此自順治十二年巡鹽御史姜圖南題定原於淮南綱鹽內每引派徵三釐七毫共徵銀五千六十一兩二錢七分四釐四毫除額解五千兩餘充解費水腳十八年歸上江八縣食引內徵解詳見商課

一巡鹽贓罰歲額四千六百兩

謹按此自崇禎間御史鄧啟隆始明時巡鹽與巡按等差職掌雖分事權則一凡一切地方民事巡鹽皆得與聞故有贓罰後定爲歲額至

國朝淮南認納詳見商課

一裁省京書廩費歲額一百八十八兩

謹按明隆萬間巡鹽御史例有監生作京書者二人自京隨任後因恣肆裁革其應省廩費每年解部充餉至

國朝淮南認納詳見商課

一加丁歲額一萬六千六百六十三兩八錢四分九釐

六毫七絲六忽六微

詳見引目商課

謹按此自康熙十八年巡鹽御史郝浴題覆陝西道  
監察御史傅廷俊條奏原加徵銀一萬九千二百五  
十八兩九錢四分三釐三毫七絲六忽六微後於三  
十八年

詔減二千五百九十五兩九分三釐七毫

一加觔

卽割沒溢觔公罪

歲額十九萬七千四十八兩三錢四

分三釐七毫

謹按此自康熙十六年始割沒之例詳見商課其法

餘鹽有額而割沒無額不過臨掣登報以杜奸商夾帶之弊後因歲課不足遂以此爲定例至溢觔公罪之法因前明淮商運鹽過北橋卽上堆揚垣以類積數萬引爲一單方行呈單故曰單鹽再從揚垣下船請旗驗放南關歲久恐滋夾帶重複之弊故設關橋官兩次掣罰我

朝額定年運年銷商人卽過橋關抵所不堆揚垣得免留滯惟商人運鹽過橋關二處稱掣每額外多鹽一觔罰銀六釐外仍將商名具招問擬不應得爲而爲之事理重者律杖應徵贖罪銀四兩謂之溢觔公罪又

過所掣摯多鹽一觔罰銀一分順治十三年御史呂祖望疏劾私徵溢觔巡鹽御史姜圖南覆明報部然不入考成或一橋而議一罪或一商而議一罪或五七千引而議一罪一歲報部約二千兩至康熙十六年戶科給事中余國柱請革去割沒公罪等名色每引加鹽二十五觔加課二錢五分共增四十萬五百三兩二錢五分後因南韻改粵陳州改蘆減六千五十兩三十八年復奉

詔減十九萬七千四百四兩九錢六釐三毫

一衡永寶認納停引歲額二萬四百五兩三錢一分三

釐三毫八絲七微六纖

謹按此自康熙五十六年始先是三府因吳三桂變逆十四年至十八年俱停引不行後補運停引復永遠認行及終歸淮商攤納並詳見引目

一增巴東引課歲額二千八百六兩三錢八分六釐

謹按此自雍正五年始因封閉鹽泉故增行引目詳見引目商課

一增饒州引課歲額三萬八千八百八十五兩

謹按此自雍正七年始詳見引目商課

一增永順永綏引課歲額二千六百五十二兩七錢一



分五釐五毫八絲

謹按此自雍正十一年經廣總督邁柱等題定

一增淮北綱鹽加飭加課戶額三萬八千七百三十六兩一錢三釐六毫三忽六微八纖

謹按此自雍正十三年始詳見商課

一增高寶泰興食鹽歲額五千九兩八錢八分

謹按此自雍正十一年兩江總督尹繼善請增餘引配運餘鹽至乾隆八年乃題定歲行六千引按引輸課

一節省河餉歲額五萬兩

謹按此自康熙三十八年始

一銅勛歲額五萬兩

謹按此自康熙四十五年始列入奏銷詳見商課

一停解織造歲額二十二萬七千六百二十兩

謹按此自雍正二年始列入奏銷詳見商課

以上造入奏銷正課

一江甘食鹽融銷升課歲額四千三兩八錢四分九釐  
八毫三絲三忽八微

謹按此自乾隆五十八年鹽政巴甯阿奏准江都甘  
泉二縣食鹽二萬六千七百十引以五分留運本岸

五分融銷楚岸照綱升課詳見融銷

一淮北食鹽融銷升課歲額一千六百十八兩六錢二分六釐

謹按此自乾隆三十四年鹽政尤拔世奏准淮北山陽清河桃源邳州宿遷睢甯贛榆沭陽八州縣食鹽二萬六千七百十引以五分運食五分融銷綱地照綱升課詳見融銷

以上附入奏銷造報

一酒稅歲額六十兩

謹按此自順治十三年始商人買火鹽載舟中逢兩

發潮滷從包出積於船底供菽乳肆中之用每石價  
值三五分官滷行收之零星轉售按石納稅五釐至  
順治十三年巡鹽御史姜圖南謂物雖無多實侵鹽  
利通科稅銀二十兩嗣滷商赴運司衙門領批運滷  
每年納稅四兩節次增至六十兩彙入考核冊內報  
部至康熙四十八年因滷商赴場收買白滷染成紅  
色煎鹽興販有害鹺規淮南總商具呈運司情願每  
年代完稅銀停止給批裁革滷商永爲遵守運司李  
斯佺具詳巡鹽御史李煦批允至今照數徵收

一贖鍰歲額一千五百十六兩八錢四分九釐

謹按此淮南北綱食引鹽商人請單赴場捆重例限四十五日到橋過期卽擬杖八十謂之違限公罪今遲速聽從商便每引徵贖銀一釐造入考核冊內報部按康熙十六年戶科余國柱請革者乃割沒關橋溢觔之罰銀及溢觔之公罪因而加觔加課已於加觔款內註明此係違限公罪不在題革加觔之內故另列贖鍰一款公罪之名雖同而其實則異

一積餘歲額四百五十兩

謹按此自順治十三年始部查兩淮正雜錢糧外有無未解存贍餘銀巡鹽御史姜圖南核算除正解額

項尙有積餘二千六百兩零入冊達部雍正二年巡鹽御史噶爾泰定爲此數餘銀列入節省項下奏解充公

一 鹽政節省經費歲額二千一百兩

謹按此自順治十四年始御史呂祖望疏劾兩淮私徵經費巡鹽御史姜圖南具疏題明餘銀解部充餉嗣於雍正二年巡鹽御史噶爾泰定爲此數每年造入考核報部撥解

一 全裁公費歲額九十六兩

謹按此自康熙十四年始奉文全裁每年造入考核

報部撥解

一全裁心紅紙張歲額二十兩

謹按此自康熙十四年始奉文裁減一半續於康熙十七年奉文全裁每年造入考核報部撥解

以上造入考核正冊

合奏銷考核額課共銀二百十二萬一千四百十八兩六錢五分八釐七毫八絲三忽六微四纖六塵二埃三渺四漠

不入奏考正課

一經費歲額二萬一千一百十三兩八錢六分八釐內

除去造入考核節省經費全裁公費心紅紙張三款共銀二千二百十六兩仍存一萬八千八百九十七兩八錢六分八釐

一解費歲額三萬八千三百九十二兩八錢七分三釐七毫七絲一忽

一腳價歲額一萬六千三百六十兩八錢一分

謹按此三款俱自順治十三年始經費一款每引正課外商人納銀一分以爲官員俸薪等項及衙役工食併每年修理運庫捐解揚城土稅新綱急公犒賞奏銷考核筆墨紙張等項之用其解費一款每引帶



銀一分五釐先期完足以備解課船驢騾價正兌添  
兌解官解吏盤費薪水紙張書工飯食鞘木鐵漆刊  
字工價之用又從前巡鹽御史自京莅任卽赴部關  
領引目隨帶來淮商人每引納腳價一分以補關引  
騾腳之費雍正二年戶部侍郎李周望清釐兩淮經  
解腳價等項除扣存代納土稅俸工解餉諸費每年  
約用銀三萬八千餘兩尙餘三萬八千餘兩院司各  
半分用十二年鹽政高斌始定總督鹽政運司養廉  
銀共二萬四千兩俱於經解腳費內動支所餘銀數  
每年巡鹽御史列入節省項下奏解充公迨乾隆二



餘承順經解腳費及正雜積餘共銀九百五十九兩  
五錢八分九釐零皆歸入院司節省項下彙行奏解  
充公

以上不入奏考正課共銀七萬五千八百五十三兩  
六錢五分九釐五毫七絲三忽四微七纖七沙三塵  
七埃六渺六漠

通共額課銀二百十九萬七千二百七十二兩三錢一  
分八釐三毫五絲七忽一微一纖八沙

內織造銅觔河  
餉酒稅共三十

二萬七千六百八十兩淮南徵三十萬五  
千六百八十兩淮北貼納二萬二千兩

不入奏考雜項

一拼茶場折價歲徵一千八百十二兩六錢七分三釐七毫 又解部飯食二十七兩一錢九分

謹按此因康熙三十年及四十九年拼茶先後衝坍蕩地貧窶無力完課淮商情願代輸其飯食銀兩自雍正元年始

一織造水腳飯食歲額六千八百二十八兩六錢

一銅觔水腳飯食歲額一千五百兩

一節省河餉水腳歲徵七百八十三兩三錢

謹按三款正項已見前目此乃徵收一五飯食及水腳之費不在正項奏考之數除支用外餘銀每年入

下江鹽法司奏解充公  
於院司節省項下奏解充公

一核減江廣匣費歲徵八萬兩

謹按此自雍正十一年始因戶部議定江廣匣費應減銀四十餘萬兩內酌存八萬兩以五萬兩貯下江藩庫三萬兩貯上江藩庫留備地方公事動用乾隆二十六年分藩案內議解江藩庫二萬五千兩蘇藩庫二萬五千兩安藩庫三萬兩內協撥江藩庫一萬兩止解安藩庫二萬兩又於乾隆四十四年將上江協撥江藩庫一萬兩內應支驛站飯食銀一千五百二兩改解安臬司衙門

一引費歲徵泰州挂號引費二千兩儀徵封引費四千兩淮安府等衙門引費六百二十兩

謹按此自雍正六年始原係各口岸商人致送各官規費江督范時繹奏明交納運庫解部歸公

一儀徵軍器牙稅歲徵軍器銀四百八十七兩九錢六分二釐五毫六絲八微牙稅銀三兩六錢

謹按此自雍正六年始原出儀徵封引費內由縣解納藩庫因兩江總督范時繹將封引費題請歸公眾商照納此數仍由縣解藩庫奏銷

一鹽務道養廉歲徵三千兩

謹按此自雍正十年始因設立鹽務道一員每年議照各巡道例支給養廉後於乾隆六年奉裁此項遂彙入巡費內支銷

一三江營兵役工食歲徵一萬三千九百六十兩

謹按此自康熙五十七年將江甯江防同知移駐三江營巡緝招募人役添造巡船徵費充用後於乾隆九年分別裁存歸入巡費項下支銷

一各場火伏工費歲徵三萬五千八十九兩二錢

謹按此自雍正六年江督范時繹鹽政囑爾泰同浙江總督李衛奏行火伏之法稽查竈煎透漏遂徵公

費充用雍正十年裁存銀一萬六百三十三兩八錢  
乾隆二十九年裁存銀七千八百七兩二錢六分四  
釐均撥入於巡費項下支銷

一鹽義倉工食歲徵一千一百一兩

謹按此自雍正二年始陸續建立揚州通泰如皋鹽  
城板浦海州石港東臺阜甯各義倉設立人役徵費  
充用

一范隄堡夫工食歲徵二千一百三十六兩

謹按此自雍正十二年始江南河道總督高斌請設  
堡夫挑土防護徵費以充守隄之用乾隆十九年鹽



政吉慶奏請責成場員管理造入交代以專責成又  
於二十九年鹽政高恆奏明以泰屬丁谿小海草堰  
劉莊伍祐新興廟灣七場離海較遠潮汎不至所有  
堡夫積土竟行裁汰停止嗣後隄身遇有水溝穰洞  
等項卽動裁存銀兩隨時修補

- 一水兵工食歲徵二千九百六十九兩二錢七分五釐
- 一書院義學膏火歲徵一萬二千六百九十四兩
- 一普濟育嬰等堂經費歲徵六千四百六十兩
- 一督院書吏廩工飯食歲徵七百兩

謹按此項係兩江總督衙門書吏每年額給廩工五

百兩乾隆四年加增飯食二百兩按季解給

一奏銷戶部都察院解費歲徵一千九百八十五兩

謹按此自雍正三年清查因兩淮每年有戶部都察院六科飯食銀一萬四千四百六十兩應需解費徵完充公溢餘銀兩每年彙入節省項下奏解充公

一領引並解殘引飯食領引歲徵一千四百三十兩解殘引徵銀四百兩

謹按此係每綱領引並解殘引給鹽院承差爲騾腳盤費等項之用支餘之外統入節省項下奏解充公

一戶部都察院六科衙門規費歲徵一萬四千四百六

十兩

一歸公鹽規引費歲徵六萬七千八百三十兩

一蘇藩庫不充餉鹽規歲徵七千十八兩

一院司節省歲徵五萬八百十兩八錢

謹按以上四款計共銀十四萬一百十八兩八錢自雍正三年清釐核定原在匣費內彙徵後經運司范廷謀詳明歸入雜項完納按期解送

一京協各餉飯食歲徵三萬五百三十九兩九錢七分七釐

謹按此自雍正元年奉部劄行每千兩應解飯食十

五兩按額徵引課核算徵解

一減半餘平歲徵二萬八千二百九十五兩二錢三分一釐

一一半充公歲徵二萬八千二百九十五兩二錢三分一釐

謹按以上二款自雍正十二年奉部劄行凡起解京協各餉每千兩應帶減半餘平一半充公各十二兩五錢商人按數完納每年春秋二季報部遇有公事支用之款於冊內開除餘銀候撥乾隆十三年六月鹽政吉慶奏准每年於減半餘平內分撥銀七千二

百九十兩解交內務府以充公用

一傾銷元寶耗費歲徵五萬五千四百四十兩

謹按從前解部餉銀卽係商人原納原課乾隆三年  
解交部餉內揀出九七八色銀駁回傾寶鹽政三保  
奏明嗣後部餉俱傾元寶起解每年約銀一百六十  
八萬兩定以每兩傾寶耗費三分三釐後於二十年  
停解元寶改鑄五兩小鏤照數徵費傾鎔歷今爲額  
視撥解京餉之多寡照例支銷如有節餘每年彙入  
節省項下奏解充公

一外支不敷歲徵四萬兩

謹按此自乾隆二十六年鹽政高恆奏准每年飭商捐完以爲交辦事件動用綱竣造報造辦處查核嗣於三十二年江蘇巡撫彰寶奏明將此捐項專爲製造玉活計之用餘贖銀兩解交造辦處交收

一裁歸辦貢委員差役公務等項歲徵二萬九千一百三十一兩二錢八分一釐

謹按委員差役公務原設銀二萬五十七兩三錢八分二釐各商公修鹽院連任衙署工料銀四千兩鹽政運使巡場船票銀五千七十三兩八錢九分九釐乾隆三十三年江蘇巡撫彰寶奏明將委員差役一

欽定大清會典事例  
卷之二十三  
三  
款酌留銀一萬四千五十七兩三錢八分二釐以爲  
出差盤費及資助事故人員回籍路費等項之需裁  
減銀一萬五千七十三兩八錢九分九釐同外支公  
費鋪墊等項一件裁歸以爲辦理傳辦裝修等項之  
用自三十六年以後未經動用歷年奏解造辦處充  
公

一戶部題行飯食歲徵八百五十兩

謹按此自乾隆十六年奉部行查兩淮解部飯食每  
年有帶乙一分規費銀八百五十兩但帶乙運竣之  
後則有預提引目應令照數呈解歷綱商捐附同正

綱規費解交

一揚州教場地租歲徵一千一百十七兩二錢

謹按此自乾隆三十二年揚營移建教場舊存基地歸於鹽務各商公領起建廟宇捐完地租以充營務公用

又按淮南雜項係每綱應行報解戶部內務府雜款併在外支銷各項乾隆三十三年江蘇巡撫彭寶清查辦貢案內奏明每綱徵收雜項九十二萬四千餘兩加勛補平十七萬一千餘兩合共一百九萬五千餘兩迨至五十一年鹽政全德酌定每年兩款併徵



銀一百六萬兩爲額內前目之織造河餉銅飭涵稅  
併耕茶折價等每年支銷銀八十三萬九千四百五  
十五兩五錢二分一釐其餘以爲

行宮座落

御書碑亭等處歲修並解餉水腳巡緝公費救生紅船工食撥  
補書院育嬰普濟等堂經費不敷隨事應用運司按  
年詳報鹽政核銷如有多餘留爲下綱支用設有不  
敷亦歸下綱帶補

不入奏考雜費

一紙硃歲解銀五千五十六兩四錢七分六釐

謹按鹽憑引行引由部給各商每引輸銀三釐解部以供紙張硃墨刷印工匠諸費名曰紙硃商人請給硃單按引完納運司隨數列入春秋季報聽候撥解不按年徵故每有預解十數年以後者

一淮南匣費歲徵六萬一千六百八十八兩六錢九分二釐

謹按此自雍正三年清釐核定原額徵銀二十萬一千八百七兩四錢七分二釐內除部院六科規費等項十四萬一百十八兩八錢歸入雜項完納解送外餘銀六萬一千六百八十八兩六錢九分二釐每綱

徵完連扣出餘平色銀按款隨時支用如有節餘集  
入節省項下奏解充公

一儀徵匣費歲徵六千二十四兩二錢一分一釐

謹按此自雍正十三年始淮南引鹽統聚儀徵掣摺  
公費繁多舊例立有匣費充用乾隆二十九年裁革  
儀徵匣商歸商管領分別支銷

一池太引費歲徵銀五千二百三十兩一分二釐

謹按此自雍正六年兩江總督范時繹請將各口岸  
鹽規引費歸公解部該二府係綱鹽門戶江廣藩籬  
承運二府引鹽之商歲慮虧折故綱商津貼原徵銀

五千四百六十二兩一分二釐內有貴建東三縣鹽  
禮銀二百三十二兩於乾隆十三年停徵每綱報解  
銀四千四百七十八兩一錢九分四釐餘銀七百五  
十一兩八錢一分八釐彙入節省項下奏解充公  
一屯船歸公歲徵二萬七千三百十七兩六錢八分

謹按此係屯船裝載引鹽經過橋壩各處俱有官役  
陋規船戶於商給水腳內支付雍正十年革除陋規  
商人於水腳內扣銀二分交納運庫以充公用嗣經  
兩江總督尹繼善申行緝私巡防遂將此項撥充巡  
費支銷

一湖廣匣費歲徵十三萬二千二百十八兩四錢四分  
謹按此項原係各商按引到漢投完乾隆二十九年  
裁撤漢口公匣將必需支用各款歸於湖北鹽道管  
理改由運庫徵收解交厯今按照楚省額引攤完如  
有多運在七十萬引之外一例完納綱竣報解內務  
府充公

一布稅充公歲徵二萬八千兩

謹按此自乾隆九年鹽政準奏准每引布稅二分  
充公二分各商引鹽到漢按數投完二十九年鹽政  
高恆批定改由運庫徵收儘數轉解每年如多運楚

鹽在七十萬引之外一例完納綱竣報解內務府充公

一江西匣費鹽規歲徵六萬一千八百四十三兩八錢二釐

謹按此項匣費原係各商按引在西投完乾隆二十九年裁撤西匣將必需支用各項歸於鹽道管理改由運庫徵收歷綱徵銀三萬三千五百三十六兩六錢二釐又西省例有鹽規銀二萬八千三百七兩二錢歸於匣費併徵共銀六萬一千八百四十三兩八錢二釐按綱照數報解支銷

一江西引費歲徵二萬二千八十兩

謹按此自乾隆二十九年裁匣之後始歸運庫徵收  
按綱報解內務府充公如有冊首淹消例准免納畫  
除

一吉安饒州鹽規引費歲徵七千五十九兩二錢八分  
二釐

謹按此自乾隆二十九年歸於運庫徵收內吉安引  
費三千八百五十九兩一錢四分二釐饒州引費一  
千一百四兩報解內庫充公吉安鹽規一千九十六  
兩一錢三分饒州鹽規一千兩解交西道轉解藩庫

充給養廉等項公用

一外支公費歲徵四萬八千兩

謹按兩淮鹽行六省公事殷繁向係眾商承辦遇有額外公事無項應用於乾隆元年詳設嗣於乾隆三十三年江蘇巡撫彰寶奏明同委員差役公務等項一併裁歸以爲辦理傳辦裝修之用自三十六年以後未經動用歷年奏解造辦處充公

以上淮南雜費陸續改歸運庫徵收爲額按數分別支銷

一淮關鹽鈔歲徵一萬兩



謹按此自康熙五十四年始每年納船鈔六千六百兩後又增鈔費銀三千四百兩按年解交淮關解部  
一淮北貼費歲徵一萬三千九百八十兩

謹按此自雍正九年始因口岸緝私費重並酌減鹽價通綱公議津貼以補虧折毫涸等岸三千九百八十兩上西遂等一萬兩

一裁減匣餘平色歲徵四千九百八十兩三錢二分七

釐

謹按此自雍正三年始清釐兩淮匣雜等費淮北有題定匣費四萬九百五十一兩三錢八分三釐內經

巡鹽御史噶爾泰裁減三千九百八兩三錢五分又  
支用匣費申平色銀一千七十一兩九錢七分七釐  
每年彙入節省項下奏解充公

一山清巡費場船水腳歲徵五千六百九十一兩四錢  
一分九釐二毫五絲六忽

謹按此自雍正三年始淮北匣費內有山清各縣巡  
緝等銀二千四百三十四兩五錢雍正十年經兩江  
總督尹繼善同清出淮北場船水腳銀三千二百五  
十六兩九錢一分九釐零均撥充巡費

一淮安府等衙門歸公引費歲徵二千二十兩

內河鹽法司 卷之二 三  
謹按此自雍正六年江督范時繹題准交納運庫至  
乾隆十三年鹽政吉慶奏明彙同各引費解交內務  
府以充公用

一漕河兩院並所屬養廉官役飯食歲徵七千二百九  
十兩七錢二分

謹按此自乾隆十四年江督黃廷桂奏准凡鹽商應  
送各官養廉均交運庫存儲按數准領內河營守備  
千總鹽規銀二百八十九兩五錢二分於乾隆四十  
七年裁停每年入於裁撤武職鹽規內彙報充餉  
一淮北監掣養廉歲徵二千四百兩

謹按此自乾隆二十五年奏准設立

一淮北例貼淮南雜項歲徵二萬二千兩

謹按此係每年貼給淮南雜項以爲織造河餉銅飭支銷

一漣關充公掣費歲徵一萬七千七十二兩九錢六分八釐

謹按此自雍正十二年江督趙宏恩鹽政高斌奏明清查鹽屬規費分別裁減內有充公掣費銀七千十七兩九錢七釐關掣費銀八千三百十五兩八錢一分六釐漣關飯食銀一千七百三十九兩二錢四

分五釐商稟按引完繳運庫每綱於耗規冊內報部  
查核

一海州分司等衙門書役飯食歲徵八百二十八兩九  
錢七分五釐

謹按此自雍正十二年江督趙宏恩鹽政高斌奏明  
清查鹽屬規費自癸丑綱起歸庫徵收乾隆九年部  
飭官爲給發按綱於耗規冊內報部核銷

一海州鹽規歲徵七百兩

謹按此自康熙五十年始原係州官茶果雍正初年  
清查陋規奏准留此以五百兩留抵佐雜養廉以二

百兩歸於撥漕項下以爲海州漕糧撥船水腳之用  
迨後該州漕糧民折官辦乾隆十年十四年改撥鋪  
遞門軍孤貧口糧等項乾隆二十九年歸於運庫按  
引徵完由州領解藩庫核銷

一山陽普濟堂經費歲徵三百兩

一板中臨三場書院膏火歲徵三百六十兩

謹按此內掌教修脯等一百四十四兩生童膏火二  
百十六兩乾隆二十九年歸於運庫按引徵完應支  
一巡緝弁兵薪盤飯食歲徵二萬二千四百二十一兩  
六錢

謹按此因淮北透私口岸甚多派撥弁兵在於扼要處所梭織巡緝照例捐完薪盤飯食撥入巡費項下支銷詳見緝私

以上淮北雜費歸庫徵收爲額按數分別支銷

兩淮鹽法志卷九十三

兩淮鹽法志卷九十三 徵權門 料則上